

Powšitkowne WOZJEWJENJA

njedźelu, 16. decembra 2018

Přiležnosć k swjatej spowědži w Róžeńće

póndźelu, 17. decembra farar M. Anders, farar D. Dzikiewicz,
wot 17.00 do 18.00 hodž. farar J. Magiera, kapłan J. Buliš

wutoru, 18. decembra farar M. Anders, farar D. Dzikiewicz,
wot 18.30 do 19.30 hodž. farar M. Kleiner, farar S. Foelz

sobotu, 22. decembra tachantski farar W. Sćapan, farar M. Anders,
wot 7.30 do 7.55 hodž. farar M. Nawka, farar B. Jakubaš
a po Božej mši

Na sobotach, 22. a 29. decembra kaž tež 5. januara njebudže w Róžeńće w 17.00 hodž. přiležnosć k swjatej spowědži.

20. raz koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 5. januara, w 15.30 hodž. w Chróšćanskej „Jednoće“ 20. raz halowy koparski turněr wo pokal TCM. Přeprošene su wosadne a wjesne mustwa młodžiny kaž tež mustwa sportowych jednotkow. Kóžde mustwo měło z wosom hrajerjemi nastupić. Hrać budže so z třomi koparjemi a wrotarjom. Přizjewić měli so mustwa hač do soboty, 29. decembra, pola Guida Zahrodnika w Jaseńcy, telefonowe čisło (03 59 33) 3 11 53 abo mobilnje pod (01 51) 52 22 17 59.

Samotni patoržicu přeprošeni

Hornjołužiski zwjazk Carity z.t. přeprošuje samotnych patoržicu, 24. decembra, připołdnju na mały swjedžen w zhromadnosći. W Budyskim internaće šulskeho centruma Carity, Před šulerskimi wrotami 21, ma so wot 11 do 14 hodž. ze zhromadnej jědžu, spěwanjom a druhimi překwapjenkami čas samoty skrótsić a hodowny swjedžen wjesele zahajić. Přeprošenje na tutón poskitk měło so tež samotnym susodam a znatym zdžělić. Přizjewić měli so zajimcy hač do srjedy, 19. decembra, pod telefonowym čislom (0 35 91) 49 82 61. Jeli trěbne, móže so jězba do Budyšina organizować.

Hodowny koncert w Radworju

Swój lětuši hodowny koncert wuhotuje chór Meja sobotu, 29. decembra, w 17 hodž. w Radworskim hosćencu „Meja“. Jako hosći su sej Mejenjo swój wumětski dorost přeprošyli. Koncertej přizamknje so bjesada ze zhromadnym spěwanjom a překwapjenku. Wšitcy su wutrobnje do Radworja přeprošeni.

Hodowny beneficy nyšpor

Chór Lipa a instrumentalisća wuhotuja njedźelu, 30. hodownika, w 17 hodž. w Róžeńčanskej cyrkwi swój tradicionelny beneficy nyšpor. Zběrka při durjach budže za restawrowanje hnadowneje postawy w putniskej swjatnicy. Wšitcy lubowarjo hodownych zynkow su lubje přeprošeni.

Silwester do Baćonja

Lětuši silwesterski hudźbny nyšpor z meditacijemi k wukóncej lěta pónđzelu, 31. decembra, w 19 hodź. w Baćonju wuhotuje młodźinski chór Baćońskeje wosady. Wšitcy su wutrobnje přeprašeni.

Kurs k přewodženju ćežkochorych a mrějacych

Nowy přihtowanski kurs k přewodženju ćežkochorych a mrějacych zahaji so srjedu, 6. februara, w zetkawanskim domje Charity w Kamjencu, Dróha jednoty 2. Wukubłanje přewjedu koordinatorojo ambulantneje hospicneje služby, zo bychu zajimowanych ludźi na tule čestnohamtsku službu přihtowali. Chorych a mrějacych přewodźeć je wutrobná naležnosć, tola słuša k tomu tež wěsta wěda, zo móhło so sensibelnje na požadosće jatra chorych a mrějacych reagować, skedźbnja Caritas. Pod hesłom „Přewodźeć nawuknyć“ ma kurs hač do 7. měrca trać – a to kóždy srjedu wot 17 do 21 hodź. kaž tež na dwěmaj sobotomaj wot 9 do 15 hodź. Přeprašeni su mužojo a žony rozdźělных starobow a powołanjow, kotřiž su na sobudźele w ambulantnej hospicnej službje zajimowani, kaž tež wukubłani hladarjo chorych a starych ludźi. Přizjewjenja su móžne w domje Charity na Haydnowej 8 w Kamjencu, telefonowe čisło (0 35 78) 37 43 12. Tam dóstanu zajimcy nadrobniše informacije.

Putnikowanja z busom a lětađłom

Tež klětu přeprašuju zaso zajimcow na putniske jězby. Přenja powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađłom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*

Pytaja wotnajerja za „Klósťersku stwičku“

Dotalny wotnajer „Klósťerskeje stwički“ w Pančicach-Kukowje skónči kónc lěta swoje zřećenje. Tohodla pyta klósťer Marijina hwězda noweho, kiž by ju wot 1. januara dale wjedł.